

Directivas per dar a fit chamonnas dal cumün

1. Proceder.

Scha'l cumün vöul dar a fit chamonnas sto que gnir publichà d'ürant 30 dis illa chaista d'infuormaziuns.

2. Chi ha il dret da tour a fit?

Mincha persuna chi ha domicil a Lavin ill'età da 20 ons in sü. I'l cas chi nu sun interessents prols domiciliats pon que eir esser vaschins da Lavin chi stan utro.

3. Confittanza.

La respusabilità vers il cumün es pussibla be per üna persuna natürala. Üna confittanza, cun il plü da tuot in trais parts es permissa. Schi vain fat adöver da quista pussibilità, sto que gnir descrit i'l contrat.

4. Dürada da la fittanza.

La dürada da la fittanza es limitada sün 10 ons. Il contrat po gnir prolungà adüna per 5 ons. El po eir gnir desdit da tuottas duod parts, adüna süls 30 d'avrigl, resguardond ün temp da desditta da ses mais. Il cumün po desdir il contrat be sch'el ha ün motiv sufficiaint. I nun es pussibel da continuar cun ün contrat da fittanza da gënituoers sün descendents.

5. Mantegnimaint da las chamonnas.

La persuna chi piglia a fit üna chamonna es respunsabla pel mantegnimaint da quella. Lavuors in quist sen van plainamaing a charg dad ella e nu vegnan bunifichadas dal cumün neir pro ün schogliamaint dal contrat.

6. Renovar o fabrichar oura chamonnas.

La pussibilità da renovar o fabrichar oura üna chamonna es datta. Que es pero permiss be cun l'acconsentimaint dal magistrat. Per mincha adatta-maint o müdamaint, i'l intern o intuorn la chamonna, sto gnir consultada l'istanza da fabrica.

Adattamaints o müdamaints sun be pussibels i'l rom da las prescripziuns chantunalas.

Per investiziuns in quist sen sto in mincha cas gnir stipulada ouravant üna cunvegna.

7. Sgüranza dal stabel.

Tuot las chamonnas sun sgüradas pro la sgüranza d'edifizis chantunala. La premia va plainamaing a charg dal fittadin, fittadina, e vain missa in quint insembel cul fit annual.

8. Adöver da las chamonnas.

Cun exepziun da las teas da l'Alp d'Immez e da l'Alp Zeznina Dadaint, chi vegnan dovradas per l'exercizi agricül, es l'adöver da las chamonnas liber.

Limità es pero il nummer da las personas chi fan adöver da talas. Quel nu das-cha surpassar al nummer da las pussibilitats per dormir chi sun avant man. Per tuot las chamonnas sto in cas extraordinaris gnir resuardà ün dret da privilegi, restret e limità, pel personal d'alp.

9. Adöver a temp limità.

Pro chamonnas chi nu sun dattas a fit cun ün contrat, esa pussibel per glied domiciliada a Lavin, da far adöver da talas per ün temp limità. In quist cas sto l'interessent annunzchar quetant al respunsabel dal dicasteri champester e vias, indichond il temp da l'adöver. Per quist möd d'adöver nun esa da pajar fit. La persuna petenta es pero respunsabla per la chamaonna ed es in dovair da laschar inavo quella in perfet bun vorden.

10. Instanza cumpetenta.

L'instaza cumpetenta per dar a fit e per la survaglianza da las chamonnas es il magistrat.

11. Abrogaziun.

Cun l'approvaziun da quistas directivas tras la radunanza cumünala vegnan abolidas tuot las decisiuns trattas plü bod in quista chosa.

12. Entrar in vigur.

Quistas directivas aintran in vigur cun l'approvaziun tras la radunanza cumünala.

Decis uschè da la radunanza cumünala dals 08 favrer 1994

il cuvi:

Robert Giacometti

Robert Giacometti



il chanzlist:

Otto Gaudenz

Otto Gaudenz

7543 Lavin, ils 09-03-1994/ogz

Chamonnas per dar a fit:
=====

Val Lavinuoz - Chapisun:

Marangün; stüvetta,
Alp d'Immez; tea,
Chamonna dal Bescher,
Chamonna dal Plan la Jocca,

Laret:

Chamonna dal Plan dal Bügl,

Val Zeznina:

Alp Zeznina Dadaint; tea,
Alp Zeznina Dadoura.

- preschaints sun 38 votantas e votants; s-chüsà Arno Bisaz,
- la glista da las tractandas vain approvada,
- sco dombravuschs vegnan nominats: Mathias Cuorad e Silvia Nolfi.

1. Protocol dals 23-11-93, nr. 9

vain approvà.

2. 04. Planisaziun - uorden da fabrica cumünal;

Moziun Irma Egler,

als 06-01-94 ha duonna Irma Egler inoltrà üna moziun riguarda inscripziuns in rumantsch. La moziun es gnüda approvada dal magistrat als 11-01-94, nr.50. Üna proposta d'ün müdamaint dal text vain refüsada cun 29 cunter 5 vuschs. La moziun, sco ch'ella es gnüda inoltrada vain approvada cun 33 cunter 3 vuschs.

3. 31. Scoula;

scoula primara Susch - Lavin,

la cunvegna riguarda il manar la scoula primara dal consorzi vain approvada, sco ch'ella es gnüda preschantada, sainza cuntravuschs.

4. 28. Immobilias

Directivas per dar a fit chamonnas dal cumün,

Per avair üna basa da partenza legala in quista fatschenda, preschainta il magistrat üna proposta da directivas in merit.

Pro l'art. 2, chi regla ch'chi ha il dret da tour a fit chamonnas e disch: "I'l cas chi nu sun interessents prols domiciliats, pon que eir esser vaschins da Lavin chi stan Utro"

vain fatta la proposta:

1. vaschins da Lavin chi stan utro e
2. fulasters cun domicil in Svizra. (tud. Ausländer mit Niederlassung)

Quista proposta vain refüsada cun 19 cunter 18 vuschs.

Invezza da l'art.

5. Renovar o fabricar oura chamonnas, dess gnir ün art.

5. Mantegnimaint da las chamonnas.

La persona chi piglia a fit üna chamonna es respunsabla pel mantegnimaint da quella. Lavuors in quist sen van plainamaing a charg dad ella e nu vegnan bunifichadas dal cumün neir pro ün schogliamaint dal contrat.

L'artichel 5 vain nouv artichel

6. Renovar o fabricar oura chamonnas.

La pussibilità da renovar o fabricar oura üna chamonna es datta. Que es pero permiss be cun l'acconsentimaint dal magistrat. Per mincha adatta-maint o müdamaint, i'l intern o intuorn la chamonna, sto gnir consultada l'istanza da fabrica.

Adattamaints sun be pussibels i'l rom da las prescripziuns chantunales.

Per investiziuns in quist sen sto in mincha cas gnir stipulada ouravant üna cunvegna.

La proposta vain approvada da la radunanza.